

ցին տան նմա թուել զկանթեղս և զպատկերս և զայլ իրս Հայոց , և նորա եկեալ պատմէ վարդապետաց զոր արարին Լատինք , բայց զոր ինչ խօսեալ էին 'ի միջի իւրեանց , զայն ոչ եհան 'ի վեր : Թէպէտ և Հայք մեղադրեցին զնա . թէ չէր օրէն ինքնաբերաբար և առանց գիտութեան նոցին , միայն բանիւ Լատինաց թուել զարդս եկեղեցոցն Հայոց , և ապա դարձ արարին յերուսաղէմ , (յՁ Յուլիոս) : Լատինք յամառեալ 'ի բանս իւրեանց ոչ անսացին բանից Քաղաքապետին և փոխանակի Գատաւորին , և դարձեալ ըստ առաջնոցն սկսան յանդգնութեամբ վարիլ ընդ Հայս , խթել զկարգաւորս , կործանել զգրգալիալն և անցանել 'ի միջոյ նոցա , և 'ի տաճարին Ս . Յարութեան աւել ածել 'ի սեփական տեղիս Հայոց :

Քաղաքապետն խնդրէր դրամ 'ի Հայոց իբր օգնութիւն զի պատուիրեալ էր նմա կուսակալն պատրաստել տիկս ջրոյ վասն ճանապարհի ուխտադնացութեան : Եւ 'ի բացասելն Հայոց 'ի մէջ բերէր զխուովութիւնն Բեթղեհէմի՝ թէ որպէս դադարեցոյց զազմուկս Յէլլահաց , եւ ազատեաց զինքեանս 'ի տուգանաց , և իբրեւ այնու ոչ կարաց շահիլ ինչ , գրեաց գիր յորդորական առ Թէոդորոս Պատրիարք , և յուսադրէր զնա չհոգալ ինչ վասն Լատինաց , եւ թէ՛ յանդիմանեալ իցէ զթարգման նոցին , եւ պատուիրեալ չյուզել զխուովութիւն , և թէ՛ չիք խտիր 'ի մէջ մեր և ձեր , զի որպէս հոգամ զհանգիստն ձեր , պարտիք հոգալ և դուք զմերն և այլ սոցին նման բանք : Եւ իբրեւ ոչ կարաց որով և իցէ իւրիք թակարդել զնոսա , առաքեաց զԳանձապետն և խնդրէր գոնէ առ նուազն տալ 10,000 դահեկան , և այն իբր բարութիւն մեծ : Տեսեալ Հայոց թէ ոչ կարեն զերծանիլ 'ի ձեռաց նորա , ետուն սակաւ ինչ , այլ նա յետս դարձոյց զայն , և 'ի սաստել Աւետիս թարգմանին , լռեաց : Դիմնէսինս վարդապետ բազում գանկատանս գրէ զառնէս զայսմանէ , այլ 'ի պատմել զբովանդակ գործս նորա , ամփոփէ զգրիչ իւր :

Կուսակալն Գամասիոսի 'ի սմին ամի ոչ ել յայցելութիւն գաւառաց , որպէս օրէն էր , այլ փոխանակ իւր առաքեաց զՔեահեայ Իպրահիմ աղա . նորա հասեալ զօրօք նստաւ 'ի քաղաքն Նային : Լուեալ զլիսաւորացն այլազգեաց զնա-